

王焱 編

日本漢文學百家集

301



北京燕山出版社

王焱 主編

日本漢文學百家集
301



北京燕山出版社

第三〇一册

聾牙遺稿 卷八至卷十六 土井聾牙著 明治二十五年

.....
—

替身遺稿

記

六

聳牙遺稿卷八目

記

南郊獵鶉記

恭觀北郊濱馬記

謁韓祠記

松石閒居記

靜延樓記

贅崎觀濤記

挹雲樓記

仁齋徂徠雙幅畫像記

觀蓮記

遮莫樓記

課題觀楓圖記

誠軒記

泊如亭記

蘭竹草堂記

楠夢山房記

半山堂記

新修依水園記

兜山十景記

并詩

三松草堂記

曉翠樓記

鳴潮亭記

自晒書屋記

忘齋記

縱觀亭記

掃葉閣記

雪香園記

善讓齋記

七面堂記

寄題得全樓記

贅牙隨稿卷八

記

南郊獵鶉記

弘化二年十一月甲申。我公往獵鶉于南郊。飭戎事也。崩之五月。公至自江戶。申舊政。班新令。鞭文筆。武貴賤同奮。乃曰。安不忘危。治道所重。今士大夫舍其戲豫。晨夕從事于學舍。可則可矣。抑坐作之儀。進退鼓旗之節。固非坐論可罄。將率士夫講諸田野。其具儀以上。有司曰。謹奉命。本藩國東海之首。密邇畿輔。雖有蒐狩之典。從辟嫌莫敢大舉。雖然盛意則

不可以虛其獵鶉乎。先世屢行之矣。公曰試之。乃宿戒羣下以農隙將有事于郊。隊帥二名各勒部曲演習於私邸以待。有司曰南郊權田之原包裹里許背山斥壤秋後多鶉請定以爲塲。公曰可。屆期平旦徒士長竚城門點簿羣士競先以集裝皆短衣小刀如居常巡野之儀但腰著一號帶手執一條篠此爲異已。既會隊帥領士銃長領卒劃爲二團先驅啓路。公乃率親衛兵續發大小監察諸司皆騎從下至供給之吏及輿臺阜隸無慮數百千人前行已傳獵塲而後騎猶擁青溪也。既到二帥案伍伏謁路

左右。公乃就睢阜，命牀檢南面踞之，豎紺旄以標焉。於是左隊舉黃，右隊舉白，號柝丁丁，衆隨聲馳聚。騎士環匝於前，銃卒承其後，中隊亦箕張而進，篠手連接，合圍以成。澤虞四五輩橫篠入，搜藪薄，俄一禽空起，犬解繼，鷹脫鞬，怒而爭之，擗噬殆迫。衆士揚篠開圍，忽一人走報曰：「鶉獲矣。」取獻于中隊，割鮮以飼鷹。有司復白：「彼有伏鶉，則移隊就之。」每移先揮紺旄，黃白二隊相踵以徙，然後中隊始搖，竝聲柝一下，坐作進退，一如初場之儀。方其坐列也，排成一字，如群龜之曝澤陂，其踰步投節也，如磴轉如輪旋，如巨蚌

之赴壑萬脚齊跳若是者三有司白禽已殫請罷
公曰可捲旄斂隊以去是日也辰發酉歸已後朔事
垂哺而止號令凜明無一人失儀誼譁者方祁寒陰
晴甚未定風殊冽雪片間下懦羸如臣恪者齒憂憂
相擊不能自禁瞻印威容如與平素無異顧躬指
麾從容甚適而諸士亦盛氣步騰或有勗疾從事者
豈所謂強將無弱兵者歟恭惟慶元用武之際太
祖公威名震轟一世爾來二百五十餘年世承遺烈
以膺方嶽之命戎事尤其職也今公又耀之以明
行之以勇揭紀綱張文武夙夜督勵以身先之庠序

猶不足。又教練于郊野，使一國之士咸知祈嚮，蓋亦一世所跂觀而健稱者。寧唯闔境倚賴也哉。臣恪幸遭明時，得目盛舉，誠歡誠喜，謹述其梗槩，并次鄙言以獻。臣土井有恪百拜謹記。

恭觀北郊演馬記

天保之季年，新修馬政，諸士祿若干而上，各具廐乘，其或不能自給者，官爲辨之半費。不期年，追風飛電之乘，自四遠而至者百數。從是國中多善馭之士，是爲弘化四年九月丙戌。我公以聽斷之暇，乃試駿于北郊。從者將相諸司士暨侍御，爲名七十，爲蹄三

百出由京門入由賀門又其所歷之塗縱士民拜觀
不煩以供給於是遠近播傳凡八里間自城自市自
郊自僻自屬邑自他邦來觀者闐闐相擁側足以立
信可謂一時之壯觀也厥前月辛未公閱試礮于
阿漕同官臣勝在陪焉癸酉又閱臣有恪陪焉迨月
癸未鑄忽礮公覽于借樂之園臣任臣恪又陪焉
方試礮之日西洋諸種之技連震互奏轟猛不可言
臣恪唯愕眙而已方鼓鑄之日燦火亂飛成相蹈鞠
之聲洞徹園外臣恪惟眩轉而已而臣任乃能爲之
記二篇獻于左右臣恪甚赧焉是以試駿之日騰氣

滿顛將必先衆拜觀，奮禿筆以雪東隅之恥也。平明出廬，躑躅于塔世之橋，則臣任先已在焉。謂臣恪曰：天微雨，或者我公將不出乎？行未可以遽遠也。臣恪曰：何必然？魏斯亂國之主耳，猶不以雨不出，何況我公？乃促步及中野之郊，其地四方空曠，一條大路，舉目盡見曲折，因止焉。時觀者大集，行者趨者坐者立者，愈多愈喧，忽聞號柝之聲，大衆傳呼曰：馬至！馬至！言未畢，一騎飛來，是爲郡宰先驅，小笠野裝，腰攜飯筥，諸士皆一樣裝，但其貴者有袍，次之者馬師，又次之者軍師，絡繹姦馳，俄而我公之馬至矣。是

日公戴泥金黑笠，著間紫小袍，背負長鞭，左右徒士四人疾蹶衛從，氣竭而代，故衆望知其爲公也。公是日所御馬曰千里，血張蹄奮，一飛三尋，而又御之以從容應節之手，故其前騎常恐見及，後騎常慮不繼，望其蹄間亦以知其爲公也。於是衆咸伏謁，其父老舉欣欣喜色，或有感泣焉者。次之侍臣將臣列士之屬，馬皆騏驎，手則造父，各振其轡，長驅而前，遠而望之，則如連鷁之翔於疾風，近而覩之，前騎後騎儻昱斷接，吻不爲之傷，策不爲之折，盡其馬力而馬力未嘗盡，臣恪竊恨不使顏闔得觀也。既而公愒